



研經堂文集卷二

丹陽吉夢熊涓厓著

孫鍾穎刊

山東鄉試錄序

乾隆三十有九年歲在甲午直省大比貢士之期

秋七月

皇上命<sub>臣</sub>夢熊偕御史

<sub>臣</sub>費南英往典山東試事伏念

<sub>臣</sub>江左末學器窳識陋壬申成進士蒙

聖恩拔置詞館己卯庚辰兩與鄉會分校洵歷京堂擢

在

研經堂文集

卷二

一

禁近旋授京尹改太僕卿復入直 內廷被沐

鴻慈有加無已比歲恭遇

翠華祇謁巡幸典禮<sub>臣</sub>職司奉馭自田盤以東至武列

石禔之際獲叨扈從

車駕所經

宸章璀璨冠古爍今<sub>臣</sub>於途次最先捧誦近日月之光

華就賡揚之末列實人臣榮遇矣茲當禮<sub>臣</sub>題請

試官<sub>臣</sub>以扈蹕不在開列之例乃蒙

特恩簡任<sub>臣</sub>之感激萬倍尋常奉

命之日敬聆



聖訓星馳就道如期入闈時監臨巡撫臣徐績提調濟

東泰武道臣宋文錦監試登萊青道臣王占柱內

監試兖州府同知臣馬遇等肅清內外咸有條理

乃進學政臣李中簡所錄士四千五百有奇扁闈

三試之臣夢熊與臣南英率同考官知州潘相知

縣郭德平陳洛書吳鎮陸震劉業俊陸源蔚柱吳

煥彩舒元豐楊春高士敦齋心矢約昭告神明披

閱二十晝夜得士六十九人貢成均者十三人謹

錄其文尤雅者進呈

御覽臣夢熊拜手稽首序於簡端曰文章必原本六經

研經堂文集

卷二

二

學者精研其義理慎考其事實而機杼物采悉由  
於事理之自具而其言立漢魏迄元明作者莫不  
究指歸於是而合者十之二三離者十之七八離  
而能合則勺水亦海之流撮土亦山之積得所憑  
依卓然可以自樹故經學尚焉非是則失之蕪失  
之詭俗學之不可語於道也久矣今之三試制義  
代聖賢立言其道甚尊性理爲宋儒釋經之書持  
論宜何如矜慎作詩當識三百篇遺意對策稱董  
江都爲最而其學深於春秋此可以見撰述之標  
準矣山左爲禹貢兖青徐之境於九州得三之一

海環於東河帶於南泰山峙其中孔子刪述羣經師表萬世門弟子及私淑大賢多在齊魯漢初伏生田何申培轅固高堂生胡毋生之屬仔肩五經絕學以導來者而集其成者爲北海高密鄭康成猗歟盛矣

聖天子巡方之典屢上岱宗崇師之儀獨隆闕里刊正十三經註疏與四經三禮先後列於學官茲赴試之士生山川靈秀之區近聖居而沐浴

聖化喁喁然各挾其技以爭鳴去取設稍有未當卽仰無以副任使而俯無以荅諸生用是殫心決擇有

研經堂文集

卷二

三

能菑畚經訓羽翼傳註者亟錄之至於所學有專兼所見有淺深所詣有遠近則視其功候以第其先後若徒剽竊泛濫與夫蹈空騁奇同歸於無本之文者則屏弗收此臣兢兢致慎用以求積學而拔寒畯之微忱冀多士他日之得以通經者致用

藉稍耐高厚於萬一云維時官斯土者兵部尙書

兼都察院右都御史總督漕運提督海防軍務糧

餉加三級臣嘉謨兵部尙書河東河道總督都察

院右副都御史加三級臣姚立德翰林院侍讀學

士提督山東學政加三級臣李中簡巡視長蘆鹽

政加一級臣西寧山東等處承宣布政使司布政

使加三級臣國泰山東等處提刑按察使司按察

使加二級臣孫廷槐山東等處都轉鹽運使司鹽

運使兼鹽法道加三級臣劉晉棠山東督糧道兼

管德常臨清倉加二級臣汪圻山東兗沂曹兼管

水利黃河兵備道加二級臣松齡分巡山東運河

兵備道兼河庫事務加二級臣陸燿鎮守山東青

州等處地方副都統加一級臣五什布鎮守山東

兗州等處地方總兵官加一級臣惟一鎮守山東

登州等處地方總兵官加一級臣夏攀龍濟南府

研經堂文集

卷二

四

知府臣夏玢例得備書

太僕寺卿紀錄四次臣吉夢熊謹序

策問五道

問聖學備於經漢初傳經多在齊魯易田何書伏  
生詩申培公轅固生禮高堂生春秋胡毋生  
其後者師承有自矣茲舉數端用資考證易用  
九用六歐陽修之說與參同契有別歟七日來  
復鄭氏言六日七分所據何書大衍之數五十  
王弼說視諸家孰優書三江旣入蔡傳與韋昭  
郭璞不同九江孔殷淳陽記與緣江圖互異九  
河故道許商說可述歟詩二南有召公詩無周  
公詩何也二雅政教有小大音體有小大其說

研經堂文集

卷二

五

然歟鄭箋分七月詩爲三函朱子說不同可臚  
舉歟禮記月令中星與堯典異弧建非二十八  
宿仲春昏旦何以舉之諸侯三門鄭氏釋明堂  
位爲庫雉路釋縣詩爲臯應路何歟春秋謂一  
爲元胡傳元卽仁也楊氏病其支離記事有四  
繫孔氏謂不必皆有義例趙汭策書之例十五  
筆削之義八可悉陳歟我

朝經學昌明諸生其以素所研究者著於篇

問詩古文體製各殊源流互別詩以三百篇爲則  
漢風所宗肇端蘇李古詩十九首或云枚叔所

作其孤竹一篇傳毅之詞然歟否歟樂府郊廟  
明堂歌章事關制作累朝著聲者何人文章貴  
於宗經劉勰所云易統其首書發其源詩立其  
本禮總其端春秋爲根者能分別各體昭晰言  
之歟司馬遷謂倣儻非常之人稱焉韓愈謂用  
功深者收名遠殆作者之自命與漢魏迄元明  
詩文之至者代不數人人不數作其派別可臚  
列歟古人撰著或見於史傳或各自單行迨蕭  
統輯文選衆體畧備至姚鉉唐文粹呂祖謙宋  
文鑑蘇天爵元文類程敏政明文衡其卷帙多

研經堂文集

卷二

六

寡編次部分與所闕遺可悉陳與我

皇上聖學淵深

御製詩文集自古帝王及文人學士未有逮斯者也山  
左屢經

巡幸大書深刻徧於齊魯之間多士生近闕里沐浴  
聖天子文教旣深且久各抒所得用覘素蘊

問書籍所以括三才羅萬象也

皇上稽古右文

特詔蒐訪遺書抄存著錄之後仍還原書藏書之家踴

躍爭獻奉

旨褒嘉分賜

宸章及書籍以紀其盛又出中秘所儲並永樂大典與  
直省書互列肇開書局

申命儒臣依經史子集編輯定名四庫全書極千古之  
大觀矣昔漢使陳農求遺書詔劉向校經傳諸  
子詩賦任宏校兵書尹咸校數術李柱國校方  
技每書向又條其篇目撮其旨意錄而奏之非  
法之善與向子歆總羣書而奏七畧後有王儉  
七志阮孝緒七錄可並疏名目歟崇文總目每  
書必舉其綱晁氏讀書志陳氏書錄解題咸取  
法焉鄭夾漈乃云書據標目自見何用更爲之  
說豈通論歟明文淵閣書目內閣書目其得失  
可言歟今四庫全書經

研經堂文集

卷二

七

聖主指授分應刻應抄應存書名三項每條各撰提要  
館臣宜甄綜有法矣諸生好學深思述見聞以  
裨博綜藉爲

當宁獻

問守令親民之官以民之利病視守令之賢否漢

宣帝知民事艱難拜刺史守相輒親見問觀其  
所繇退而考察所行以質其言二千石有治理

效璽書勉勵增秩賜金或爵至關內侯唐太宗  
言治人之本莫重刺史核其才否以重廢置故  
漢唐吏治稱盛焉前漢書列循吏六人後漢書  
列循吏十二人舊唐書列良吏四十一人新唐  
書列循吏十五人其姓名治行可縷陳歟夫吏  
治之重以農田水利學校教化爲先務就漢書  
所載文翁修起學宮於成都市中召信臣作均  
水約束刻石田畔唐書所載薛大鼎開無棣河  
疏長蘆漳衡三渠韋景駿爲貴鄉令授民孝經  
使習大義皆卓然著稱其餘諸人循績有類此  
者可約舉歟我

研經堂文集

卷二

八

皇上慎重吏治於引

見守令時核其治行量才授職期於布澤興化以共成  
至治諸生學古入官異日有臨民之任其將素  
所景仰者悉陳母隱

問農者四民之一古聖帝明王無不重農者書無  
逸言先知稼穡之艱難則知小人之依爾風自  
于耜舉趾迄築場納稼委悉備具後之言農事  
者昉焉班固藝文志農九家百一十四篇始神  
農二十篇終蔡癸一篇可悉數歟魏賈思勰齊

民要術記民俗歲時治生種蒔之事唐韓諤四  
時纂要取廣雅爾雅定土產取月令家令叙時  
宜可言其卷帙次第歟曾安止撰禾譜東坡所  
爲賦秧馬歌也惜不譜農器會之謹撰農器譜  
爲之序者何人歟焦竑以馬氏經籍考列茶酒  
果木花卉諸書入農家爲非然歟否歟元陸泳  
田家五行拾遺王伯善農書明顧清田家月令  
徐光啟農政全書得言其梗槩歟  
皇上誠求民隱

御製耕作蠶織二圖詩耕圖自浸種後織圖自浴蠶後  
研經堂文集 卷二 九

曲繪勤苦至耕藉禾詞閱稼觀穫諸詩時時以  
民事爲念多士紬繹舊聞以賡颺

聖主劬農至意願敬聽焉

將筒集序

七閩之地崇山峙於西北大海環於東南靈秀所  
鍾魁儒碩彥自宋以來如李忠定爲一代偉人其  
又盛者游文肅楊文靖羅文質李文靖倡道學於  
前朱子集其成繼往開來功同作者若陳祐之兄  
弟林少穎鄭夾漈胡康侯父子黃勉齋蔡西山父  
子楊信齋陳北溪眞西山迄於前明何元子黃石  
齋諸公無不學有本原自成一家言如以詩文論  
若楊文公蔡端明謝景山敖器之祝和甫黃長睿  
劉後村嚴儀卿楊仲宏張志道林子羽高漫士鄭  
研經堂文集 卷二 十

善夫王道思徐惟和兄弟柯奇純謝在杭曹能始  
諸人函風吐雅藉甚藝林以時文論則傅錦泉田  
鍾台李爾張黃東崖諸人迄於我

朝安溪李文貞公根極理要羽翼傳注可謂盛矣使  
者奉

命督學此間下車之始勲懃懇懇戒諸生砥行讀書務

爲有本之學至於論文必其筆材之高又能菑畚  
經訓心細手和體味乎孔曾思孟之語言有得於  
史漢唐宋之文統始不愧乎經義蓋亦難其選矣  
甄綜所及窮日力以搜擇焚膏繼晷手不停披所

錄之卷大抵好學深思憔悴專壹之士爲多歲試  
一週擇其言尤雅者得文三百有奇都爲一集念  
闔中試卷之盛前推應繩錄後推向若編昔汪棣  
園以文就正於儲丈在陸而改定於中子先生周  
力堂選刻試牘質之方望溪儲畫山諸老宿又走  
使請序於吾師王已山先生其時在學幕點定者  
多出蔡丈芳三之手曩庚午辛未年間蔡丈在京  
師嘗亟言之今經畬堂彙九賢制義收回數篇可  
覆按也茲集皆生童原本間有增刪字句亦百篇  
之一二耳已山先生墓有宿草蔡丈亦久棄人間

事知交落落無由質正孤陋之譏何能免焉然以  
較之應繩錄理則清矣氣質又加厚焉比之向若  
編則醇然後肆奇而一軌於正此又區區決擇之  
心蘄合於古立言之道俟知者知耳若夫多士生  
於靈秀之區景仰前哲有厚望焉其可以此自畫  
乎哉其以摛筒名集者昔人定古器爲鐔于依于  
寶周禮註以芒筒摛之其聲極振夫學者搜擇融  
洽而發之於文與工人之超心鍊冶而成之爲器  
無以異也文章必繩之以尺度猶樂器必定之以  
戛擊知言之士閱斯集也加以芒筒之摛或亦可

發其聲也夫

研經堂文集

卷二

十三



研經堂文集

命臣某偕臣某往典粵東試事臣隨具摺恭謝

天恩仰蒙

召見

諭以言必宗經文必法古搜擇宜詳甄錄宜慎臣謹凜

聖訓卽束裝就道星馳抵境屆期進學臣所錄科舉諸

生共若干人肩闔三試之取士如額錄文若干篇

恭呈

御覽臣謹颺言簡端伏惟經義乃說經之文也能通諸

經然後能說一經漢唐諸儒注疏其明徵已學者

研經堂文集

卷二

三

於四書本經童而習之白首不能盡其義使非根

柢羣經鑽研奧義則於聖賢語言何能闡發萬一

然不服習於漢唐宋名家之文而率爾操觚則非

庸卽妄又何以爲不朽盛事乎昔唐臣韓愈起衰

式靡而其自爲文則曰約六經之旨以成文其教

人則又曰蘄至於古之立言者臣服膺

皇上訓誨告之同事諸臣而知鑑衡之道未有如

聖言之深切著明者也粵省靈皋隩區五嶺峙其北大

海環其東山川秀麗多士沐浴

國家教澤百數十年近奉



潘潤章制義序

文章先體製而後論工拙以孔曾思孟之書裁題  
詁義蓋說經之遺其道甚尊而其體最貴則其言  
必醇乎其醇斯可寶也用經語以入文自劉子政  
至韓退之皆然若董江都以下至歐曾諸公取鎔  
經義不盡有用經之迹自然爲經術之文學者研  
精經籍充以邃養及其執筆爲文所謂仁義之人  
其言藹如卽於是乎在不必摹倣刻畫能走古人  
於腕下固無所爲拉雜之詞粗獷之習也亦無所  
爲詭異之見纖冶之言也凡文皆然而制義其尤

研經堂文集

卷二

五

粹者往予於甲午歲主試山左嘗持此論以質同  
事諸君時濮州牧潘君潤章分校書經獨心折予  
言闢中作擬墨三篇古雅典則其言大醇予心異  
之比叩其所學則自易春秋以及周官戴記具有  
撰述合之儒先緒論不立異不苟同予乃知其胸  
中有所得故其爲文至於如此之盛也文必宗經  
若子史文集純駁互殊探討源流綜核同異立言  
者無不兼之而入之制義易卽於拉雜粗獷詭異  
纖冶之病何者聖賢語言義理性情指要非三代  
以下之言可以闢入也或者謂子史文集非無載

道之言取其純而棄其駁似亦無戾於道此則不知流弊者之論也昔歐陽公跋令狐楚百巖大師碑云君子之所慎者在乎所學楚之文曰大師泥洹茶毗之六年余以門下侍郎平章事攝太尉泥洹茶毗是何等語臯夔稷契居堯舜之朝其語尙書載之矣異乎此也東鄉趣舉斯言以爲人之評文及序人之文如泥洹茶毗類者多矣深惡而痛絕之以弁諸文定之簡端斯又豈直拉雜粗獷詭異纖冶之爲病哉予史文集雖不必多此等語然言各有歸其不可攙入經義所以大爲之坊而重

研經堂文集

卷二

七

文章之體也潤章深心此事今移刺昆陽哀其歷科分校之擬墨暨鄉會房行稿並令子承焯鄉試行卷付之梓而屬余爲之序予觀潤章歷科擬墨房行稿與甲午擬墨波瀾無二殆兢兢乎守說經之遺者予旣歎其用功之深而令子善承家學殊可愛羨也

陳衷烈制義序


朱子嘗云某於論孟集註理會四十餘年中間逐字稱等不教偏些子又於學庸章句嘗引溫公之言謂生平精力盡在此書至語類或問皆所以疏通證明集注章句者說書不宗集注章句則枝辭漏義皆所不免讀集注章句而不諦觀說類或問則亦無以見其說之闕深而簡括說書如此作文亦然建寧孝廉陳君衷烈於丁未之春攜所爲四書文八十餘篇就正於予且請爲其序時予年六十有七矣垂老內直每卒無須臾之間未遑從事也閱歲以書來促予因盡發其文手加甲乙刪者十一存者十九憶往年視學閩中歲科試陳君皆置高等考作都在卷中其光油然而幽其味黯然以長距今十餘年閱其全稿則又知其發明註義多自其探尋於語類或問中得來者非苟而已也艾東鄉有言前輩作文根註故字字清楚又云以舊講章作新文字每戒後學毋輕視時文予有味於斯言亟與學侶道之今於陳君之文不禁喟然興嘆也朱子博極羣書精研於漢唐義疏乃成集注章句而其義之繁而不殺又於語類或問發之

陳君能探討及此故其文慤實無浮情豔氣是得  
作文說書之旨矣書此以詒陳君其以予爲知言  
也夫

研經堂文集

卷二

六



研經堂文集卷二  
六

孫氏燼餘錄序

地以人重亦以文傳天台得興公之賦而境益顯  
輞川得摩詰之詩而名愈彰名山勝景必藉文人  
題詠而後錄之圖經以垂不朽丹陽嘉山距縣治  
五十里而近山特高峻每出雲降雨以擅一方之  
勝山南迤邐案衍其峯有七名七峯山爲嘉山右  
臂前明正嘉時有孫氏名統者誅茅其地號南山  
小隱生二子思行方思和育思行成進士官御史  
思和以工書札官中書兄弟交遊甚廣如相國李  
文正西涯東陽王文恪守溪鏊楊文襄遂菴一清

研經堂文集

卷二

九

靳文僖介菴貴俱稱莫逆交至大司馬王肅敏浚  
川廷相殿撰楊升菴慎太僕都南濠穆學士陳魯  
南沂會元唐荆川順之殿撰錢鶴灘福太僕王南  
原韋京兆祝芝山允明解元唐六如寅僉事皇甫  
百泉訪副使李空同夢陽何仲默景明博士文三  
橋彭以詩文相結納七峯園林最勝凡堂之屬十  
有六樓之屬十有五館之屬有八閣之屬有五齋  
之屬十有三軒之屬有七亭之屬有六臺之屬有  
四室之屬有四門之屬有四坊之屬有四山房之  
屬有七皆名人題額詳載文三橋所撰燼餘錄序

中最後得工部姜二酉紹書韻石齋筆談稱七峯  
有石壁奇峭外大父思和與唐六如祝芝山楊遂  
菴陳石亭張石川諸名彥於正德庚辰歲修禊於  
石壁之下題名巖表鐫之以紀勝遊其懸崖揮翰  
者乃楊文襄也唐六如圖之兼題長歌於幀首雖  
西園雅集不是過也石壁題名詩六如集中未載  
特錄之以俟桑梓之彥如葛常之著韻語陽秋者  
採焉因載六如七古一首並自和二詩附於後子  
檢邑志並閱孫氏譜牒則七峯園林之勝闕然不  
備壬子養疴里中兩赴嘉山訪七峯舊蹟惟第七

峯固山菴故址猶存此文三橋賦七峯十二景詩  
所載者也其他亭臺堂室之類一片荒烟蔓草曾  
於傍近村塾求燼餘錄觀之無有應者子行七峯  
之第一峯則孫氏墓田在焉俗謂之小墳山七峯  
之北亦有孫氏墓田俗謂之大墳山山中蒼松黛  
相皆數百年物時花雜樹布滿山谷傳聞九秋之  
月花樹爛然攬勝者不遠數百里回憶曩時朋簪  
之盛題詠之富究不可得矣冬初徐孝廉介繁晉  
福袖燼餘錄示予孝廉曾館於孫氏稱孫氏子孫  
欲以此錄受梓乞序於予予繙閱再四知孫氏園

林因嘉靖時倭寇蹂躪一夕燬於火其詩文俱付  
祝融思行侍御之仲子石雲名植者集殘碑拽斷  
簡並諸人所記憶者得詩文雜著若干首釐爲十  
卷顏之曰燼餘錄後之訪古者得是錄而考之可  
以想見當時名蹟卽視爲天台之賦輞川之詩可  
矣因序之以還介繁俾付孫氏子孫念堂構之難  
承而復還舊觀則予之所屬望也夫

研經堂文集

卷二

主

承而復還舊觀則予之所屬望也夫

矣因序之以還介繁俾付孫氏子孫念堂構之難

承而復還舊觀則予之所屬望也夫

矣因序之以還介繁俾付孫氏子孫念堂構之難

承而復還舊觀則予之所屬望也夫

矣因序之以還介繁俾付孫氏子孫念堂構之難

承而復還舊觀則予之所屬望也夫

春草堂集序

謝士驥著士驥字汝奇閩縣人

詩以寫性情凡天地之高卑山川之流峙倫物之明察身世之邁會無不可見之於詩要與其人之性情相發然後詩中有人在使誦其詩者可以知其人性情所寄理則見焉皇甫持正有言文者言之華也其用在通理而已固無奇也然亦無傷於奇使文奇而理正是尤難也斯言也可以服好奇者之心抑可以爲好奇者之法福州府學謝生曦持其尊人謝汝奇春草堂集請爲其序予觀其集中詩不拘拘聲調之合不定涉古作者之軌塗凡以自寫性情而磊落抑塞之氣時露於筆墨之外瀋陽沈方伯廷正莅閩時字士驥曰汝奇奇其人與抑奇其詩與奇其人則吾未識士驥之面未能懸定也使奇其詩則士驥之詩自在卽其詩以想其所居蓉園葺十笏之地顏曰逸齋覽河橋之景概眠石室之烟雲身老家貧編籬灌花直無一事可關其心者而吟咏不輟斯則無奇者之奇觀其詩而性情著焉其理無弗適也謝生善楷法誦先人之清芬盍手寫一通以付之剞劂乎

耕石堂集序

管兆桂著兆桂字秋巖丹從人

得江山之助而爲詩詩易於工此言入蜀誅茅過  
嶺築屋足以增長藻思感發襟情也至如粉榆竦  
峙蒼巖桑梓沿洄靈瀆卽目攄懷觸景得句不出  
戶而擁鼻撚髭吟箋堆案矣京口之山自三茅地  
肺西南折於鍾阜東南折於長山北固金焦屹焉  
鼎峙其地大宮小霍更僕難數其江流自岷山而  
下涉湘漢過豫章東於蒜山瓜步之間乃放而之  
於海門此其爲勝賞神鄉秀情超拔者也余家去  
京口百里而近往與其士大夫交無不含官咀徵

研經堂文集

卷二

三

人各耽吟及嘗信宿採訪每多隱君子銷聲於漁  
釣之區溷跡於闐闐之列與遷客遊人緇流羽士  
嘯傲唱酬而其間有傳有不傳近日博陵少宰尹  
元符先生視蹉廣陵得鮑步江吳門宗伯沈歸愚  
先生授書魏觀察幕中得余江干逢人說項而鮑  
氏余氏以傳何其幸也管君秋巖挾築遊京師無  
所遇隱於醫旋隱於市予戊寅春得寒疾醫者誤  
投劑病增劇有稱秋巖於予者延之診治尋愈余  
未知其能詩也甲午秋奉使閩中渡江泊舟秋巖  
老矣袖所作詩過訪並請爲其序余受而讀之盍



本冊 琅玕集序

廖淑籌著淑籌侯官人禮部郎許均妻林侗女繼廖氏者

閩中閨閣能詩者如謝景山之母暨其女弟陳述古之女黃銖之母並皆賦性幽貞吐辭清雅爲當世大賢所重至於春筍秋波之什梨花繡戶之詩才之鍾於情者不可勝數若宋比玉之傳徐氏黃氏方孟式集序之鄭氏吳氏名媛接迹亦風雅所漸習俗使然也歲丁酉夏侯官許生作霖來謁出其祖母廖夫人琅玕集請爲其序許生子所選拔士夫人爲儀曹郎許均雪邨之配本林侗來齋女繼廖氏者來齋好古名蹟作金石考又拓昭陵碑

研經堂文集

卷二

五

石文字巋然成集夫人胚胎前光所爲詩其志和以莊其音亮而婉予最愛其課許生兄弟讀書詩清時絃誦重廉吏子孫難之句竊謂清白傳家一經垂教此二語括之殆盡許生勉乎哉夫人工詩又工畫其寫花竹則相國陳文恭宏謀以爲不減管道昇趙文淑風味見於省志其與月鹿夫人張季琬合畫則中丞潘敏惠思榘以爲冷香寒翠冶南雙壁書之於冊夫人手蹟爲名賢激賞如此而况於詩乎夫人之詩情文相生止於禮義當與謝家母女陳黃諸淑媛並傳於後無疑也

邵氏族譜序

丹陽名人自漢唐以後明以前莫盛於宋問學淹  
貫如職方員外郎吳淑正儀博學循良如龍圖閣  
直學士吳遵路安道進退有道如銀青光祿大夫  
左丞王存正仲淹洽技能如禮部郎官蔡肇天啓  
忠鯁節烈如秘閣修撰陳東少陽多學建言注周  
易孝經論語離騷經作韓子年譜如直敷文閣洪  
興祖慶善注杜甫詩如徽猷閣直學士洪文憲擬  
逸叟諱習典禮儒學名家如國子祭酒葛文康勝  
仲魯卿左丞葛文定邴楚輔工四六性鯁直如

研經堂文集

卷二

三

翟汝文公異皆彪炳正史其不載正史本傳而  
見於京口耆舊傳及諸家文集者尙有周孚世濟  
諸葛賡君俞顧方陳輔輔之蔡淵子雍蔡載天任  
蘇庠養直洪造彥龔湯東野德廣湯喬年壽隆范  
寥信中竇從周文卿孫時升子亨王揚英昭祖張  
絢郭珣瑜遐壽鍾將之仲山吳致堯聖任蔡進士  
逢湯泳叔永葛官公雅葛密子發葛次仲亞卿葛  
書思進叔葛立方常之葛起耕君顧葛立象葛郊  
葛郭葛邵諸人而資政殿學士邵安簡亢興宗龍  
圖閣學士邵必不疑以叔姪同登寶元戊寅進士

史各有傳立朝著風節其丙舍之田在北郭孝感寺余數過其地輒流連嚮慕之茲邵氏修族譜其族人出其向時譜序以眎余而請余續序之余按撰邵氏譜序者宗伯姜寶鳳阿司農儲懋世績太常姜志禮同節廷評賀寬拓菴觀察楊爾宣志遠姜朝俊民章悉推本邵氏自唐江州通判邵韜由河朔徙居丹陽之耿岡卽龍圖閣學士之曾祖也傳七世至宋宣和間安撫使邵彪由丹陽徙居徐莊卽今埤城是也埤城面山負江距丹陽縣治五十里而近爲邵氏聚居之所其支派亦有居羅橋

研經堂文集

卷二

三

居大港居晉陵者余因其請序爰取正史所載安簡公並龍圖閣學士公事蹟爲邵氏子孫告蓋士必有所樹立而後能傳世不朽安簡當布衣時范文正舉茂才異等固已不凡矣及其獻兵說罷輸緡錢請早定內患議契丹賀乾元節禮何其謀之忠也學士公善篆隸當其同知禮院據鄭康成之注使習禮壇下者徙於尙書省其學固有淵源及其赴郡行部震厲風采入修起居注知制誥值契丹伐雄州道種木數漁界河中能以理折之可謂壯哉二公於有宋同里後先諸君子之林卓然自



彭氏族譜序

歲癸未之春予以服闋入都將啓行矣彭丈五如刻族譜成屬爲序予匆匆未有以應也閱一年兄傅野屢以書來促因引之以言曰簿狀以備選舉譜系以別婚姻自隋唐以上皆然故列代置郎令史以掌圖譜局自後官局廢而士大夫各就其宗支家自爲譜孝弟之心油然而生非可苟然附麗以異派爲同宗取悅觀者之目而已鄭漁仲志氏族以名爲氏共三十有五而彭氏系之彭祖之後又其載名同實異者彭氏有二支焉得姓皆在三代以前故彭氏爲舊族今觀五如丈之譜當明太祖時諱慶者籍隸鳳陽授明威將軍從征鄱陽力戰有功賜鐵券世襲指揮子田千畝在丹陽北郭外之東陬將軍居之名其地曰彭莊是爲丹陽彭氏始祖斯其近而可徵者已自明威將軍後代有聞人

研經堂文集

卷二

无

國朝名一驊者順治庚寅拔貢辛卯中式舉人知都昌縣事以卓異知山東青州府吾友澧晉留初名澤令乾隆癸酉拔貢生丙子中京兆試舉人文名著江南北輦下名公器重之後客死黔中子得其手

定制義七十餘篇前此未梓行者子將爲付剞劂  
焉五如昆季皆爲名諸生歲貢進士各有文集子  
姓俱有聲學校彭氏門才可謂盛矣予觀其譜不  
別引華胄以混宗支就中所載詳世系別親疎族  
墳墓如目有眉秩然不紊此其撰著之確可傳之  
永永者乎書以貽五如丈見彭氏族譜有要有倫  
雖家乘而合於昔者官書之取裁也

研經堂文集

卷二

三

中童儲氏族譜序

歲辛巳之冬予過莊城古道見豐碑峩然大書深刻下車摩挲則唐侍御儲光義墓碑陰有義興太史儲在文中子先生墓記據記載侍御以詩名冠盛唐弟王僕孟而行卓學邃時見於唐賢之緒論遭逢世亂鬱而弗彰夫侍御行蹟可議載於新舊唐書者甚明而碑記所言若此則於正史之外褒著先緒可謂孝子慈孫之用心者已記又稱儲氏於宋世徙居義興或居雲陽或留金沙予考唐書光義兗州人鄭夾溲氏族畧又云澗川人蓋其

研經堂文集

卷二

三

生長流寓初非一處唐綦母著作送儲十二還莊城詩云西坂何繚繞青林問字家侍御遊茅山詩云十年別鄉縣西去入皇州北洛反初路東江還故邱又云家近華陽洞早年深此情合之中子先生碑記則侍御後人自金沙外如丹陽義興皆其支流餘裔也丹陽儲氏爲同里望族明景泰間資善大夫戶部尚書儲懋澹菴由乙科進士起家爲學博擢吏垣給諫洊歷地官卿經濟之才炳麟志乘子姓多居城東司徒村茂林修竹蔚鬱掩映村中童孺皆嘖嘖言先侍御爲唐詩人又數稱司農

門地子昔讀陳黃門左徒舊宅猶蘭圃中散荒園  
尚竹林之句慨然念之今觀司徒村中人語言習  
俗洵有然也儲子曰新糾其族人刻家乘請序於  
子子趣舉莊城墓記謂儲氏之先能以詩才樹幟  
後人不獨豔稱其名而已必求所以深造乎是者  
所謂行卓學邃非耶至於司農負幹畧爲名臣又  
其近而可循者儲氏子孫胚胎前光其能無動念  
歟若其莫繫世序昭穆孝弟之心油然而生在讀  
斯譜者當自得之矣

研經堂文集

卷二

三

錢氏續修譜序

憶丙寅丁卯間邑錢氏修族譜子舅氏受祺欲爲外祖御天先生作傳載之譜中子請命於太夫人太夫人以郭世通所書先生四十初度記一冊授余余題數語於後授舅氏刻之閱今壬子之夏將五十年矣錢氏續修家譜從舅鑑淵向余言曰寒家譜牒因族繁人衆有事續修請子序之余惟祖母夫人母太夫人皆出錢氏習知外家世德家風何敢以不文辭錢氏爲吳越分枝觀譜中所載淵源甚遠自錢鏗以下載其官闕世系名字甚詳並

研經堂文集

卷二

三

有武肅大宗譜序暨文僖浙江慶系譜序莫不本本原原有條有理倫序秩然情分藹然貧富相賙恤行誼相勸勉觀茲譜者仁人孝子之心可以油然而生矣前修者閱五十年則支派益繁固宜詳徵博考俾記載信而有徵於以稽世德之繼繩緬家風之淳厚母墜箕裘益恭祖訓則纂修茲譜之意有益於宗族者甚大吾願錢氏子孫不懈益虔庶不愧世家之令譽也往時丁丑暨丁卯錢氏修譜作序者前爲學博丁子謙燧後爲明經丁逸仙鶴松父子兩人爲錢氏之甥所言較他人爲質實余

於丁氏父子比鄰交厚亦以錢氏之甥序錢氏之譜則豈徒鋪陳華胄以飾觀聽而已哉錢氏子孫能服高曾之規矩以佑啓乎宗支是余之厚望也鑑淵父鎬瞻登雍正乙卯賢書世承家學書此以報鑑淵當以余言爲不謬也

研經堂文集

卷二

書



研經堂文集卷二書  
錢氏之甥序錢氏之譜則豈徒鋪陳華胄以飾觀聽而已哉錢氏子孫能服高曾之規矩以佑啓乎宗支是余之厚望也鑑淵父鎬瞻登雍正乙卯賢書世承家學書此以報鑑淵當以余言爲不謬也

施氏族譜序

乾隆壬寅丹陽施氏修族譜其族人丹舒因予族  
叔馴如屬爲之序予按鄭夾溱氏族志載施氏姬  
姓魯公子尾字施父其子因以爲氏此施氏之所  
始也漢施讎受易於田王孫甘露中講五經同異  
於石渠讎與焉所謂施孟梁邱之學施家有張彭  
之學讎殆衰然舉首矣其施氏之見於丹陽者唐  
有施敬本本傳稱爲潤州丹陽人開元中爲四門  
助教議封禪禮後爲太常博士爲集賢院修撰踰  
年遷右補闕秘書郎卒此丹陽施氏之最著也茲

研經堂文集

卷二

三

施氏修譜其譜序亦援引秘書而其列於世系則  
元之河南守施華陽始遷丹陽者爲初祖不宗遠  
而宗近蓋其慎也予惟施氏在漢以易學傳在唐  
以禮學稱其子孫當知所嚮方而不誤於其趨斯  
爲善矣記曰良弓之子學爲箕良冶之子學爲裘  
言克傳其門業也今施氏聚居邑城有懋遷有無  
而爲商者有負笈從師而爲士者往嘗見丹舒尊  
甫東陽醇謹謙和以篤行稱教其子孫讀書立品  
其孫昌年以能文補博士不幸死矣丹舒繼父志  
課其子及羣從彬彬然以詩書爲緒業予故趣舉

施氏之能傳易禮著聲於漢唐史書者告施氏之  
子弟俾之尋求故實鑽研經籍由華陽而上湖典  
型用以光大其家聲有望矣

研經堂文集

卷二

美



研經堂文集卷二  
美

家譜序

壬申癸酉族人修輯家譜夢熊官京師未襄厥事  
迨今已酉相距三十餘年矣夢熊仍居京師族人  
重事修輯因郵寄前譜屬加檢校並爲其序乃舉  
前書緒正其繁文誤字一歸於質實俾記述者續  
補此三十餘年世系名字及其配偶與夫生平事  
蹟卒葬時地用備後嗣觀覽而序之曰謹按古者  
二十五宗分十二姓春秋外傳所列姬酉祁已滕  
歲任荀僖姑偃依是已六書姑省作吉左氏傳曰  
姑吉人也小雅都人士之篇謂之尹吉朱子引鄭  
氏箋吉讀爲姑尹氏姑氏周之婚姻舊姓又引李  
氏云所謂尹吉猶晉言王謝唐言崔盧也吉氏著  
姓最古自漢魏六朝迄李唐以忠孝才子注名史  
書者代有其人其遷丹陽者按譜在趙宋南渡時  
有福一公挈其弟福二福三由汾晉至江左古籍  
丹陽是爲丹陽吉氏始祖其後一居鎮江一居蘇  
州其在丹陽又有分居金壇之黃堰莊者蘇州後  
人不可考鎮江及黃堰莊後人於癸酉修譜時各  
以世系請附著於錄又前明隆慶時侍御棠之孫  
可久遷居江寧迨乾隆丙辰有諸生名士者可久

之五世孫也我族人應鄉試館於其家乃得侍御  
所撰練溪集二卷之一

今藏十七世諸生瀛選處

並可久所撰

詩集四卷之一

今藏十九世諸生玉處

亦於癸酉以居江寧

者之世系並著於錄蓋家譜題籤舊云丹陽太平  
橋吉氏譜因占籍時聚族居太平橋長街也今太  
平橋支外有江寧支黃堰莊支鎮江支故特著其  
緣起如此自福一公兄弟至今族人傳二十有一  
世矣吉氏世以詩書稼穡爲業其無田可耕者買  
遷有無以治生四世祖貴和公官邵武同知是爲  
仕宦之始祖訓以孝悌忠信循規蹈矩克勤克儉  
好禮樂道勗我後人後人守家法者兢兢無敢失  
墜故丹陽言質樸古風者多推吉氏自今以往吾  
與族人交勉乎哉寶身全行以遵祖考之彝訓以  
貽子孫之觀法登斯譜也豈僅以名字傳哉

送鞏昌觀察畢秋帆序

經術所以經世務也繁劇之地事幾之博自農田水利學校兵防之設以及剛柔燥濕好惡取舍之宜惟有學者能達焉學而不達無貴學矣故曰誦詩三百望其達於政也畢君秋帆以庚辰臚傳第

一人受

天子眷遇洵歷宮僚擢在

講幄朝士望若景星慶雲

天子欲其練習民事也出爲鞏階秦觀察使君自此可

益展所學矣僕惟隴西安定之間班史稱其迫近

研經堂文集

卷二

五

戎翟修習戰備高上氣力漢興六郡良家子選給羽林期門以力爲官名將多出焉今

天子文經武緯八荒我闡烽燧不作禮讓風行猗與盛矣君至其地統帥僚屬宣揚德意必更有因勢利導者僕其能有以益君乎哉僕於庚辰奉

命入闈與錢敦堂太史分閱春秋卷君出敦堂之門而

以僕同校一經執弟子禮甚恭僕將何以益君乎僕聞外者內之符也已者人之表也以君學有經法通知時事相地方之利病而興罷之不以一衣擬寒暑不以一藥治瘞瘕也審事體之幾微而戒

守之善不謂小而無益不善不謂小而無傷也僕  
觀近代如湯文正公甫以立年由詞臣任潼商憲  
副蒞事之日抑鋪陳行保甲設耕屯建義倉講鄉  
約興社學舉善政美不勝書而其申明敬戒也則  
曰上畏簡書下畏民巖可謂學而能達矣自後公  
遊孫徵君之門講學益邃再入翰林以清名介節  
上結

主知外膺節鉞內掌冬官屹然爲我

朝名臣而其始基則已見於潼商所設施矣君之年  
與文正任潼商時約畧相似又鞏階秦與潼商同  
一省治經其故處考其遺蹟其有不相謀而相合  
者乎是僕之厚望於君者也君之行也僚友多爲  
詩以贈僕取古人不頌而規之義而爲之序云

京師爲會歸之域薄海內外臣民雲集景附其中相與議論非職業相關則素所交好或萍蹤偶合間亦傾談顧惟同里居操土音則言之娓娓臚忘倦焉吾鄉爲過江第一望縣史稱風土淳朴其來京師者自通朝籍外大都應京兆及南宮試否則傭書授徒耳其他未聞輕去其鄉者以故所見桑梓之人特少就余已入都距今十八年所遇親故可以指數表叔虞翁負笈省親走京師時年方壯思自樹立已因貧故輒以素所習兵刑錢穀之書

應聘爲幕府客奉老親轉徙燕晉齊魯及皖江會城且十餘年復返京師丁父憂具舟而南服闕仍折而北當是時翁窘甚僦居城南余自成均時一過之比余移居翁則時時過余道其已事甚悉余不能記憶也試述其大者翁之言曰我父病時醫藥罔效垂歿我有橐中金三百悉以爲附身附棺之具時有同舍生窺我金盡則曰君故有兄弟五人盍不走赫蹄令之來襄事乎我應之曰如君言父第生我一人則奈何其人愧而去又曰我嘗冬月無裘逼歲除矣有中翰熊某者嘗貸我金以俸

錢十千貽我我憐其貧曰我無裘以緜禦冬君無錢胡以度歲乎某曰以償君耳卒不受又曰春秋社日我輒惘惘然不自知其涕之零落也余曰何謂也翁曰故人某某者客死都下無親串我皆具榼瘞之茲操豚蹄飯一盃酒一壺爲之上冢閱數十年矣再數十年誰過而問之乎言已悲不自勝其孝弟忠厚至性過人率此類翁又好讀書晚年於春秋四傳馬端明通考呻吟不輟間以疑義叩予稍爲疏通輒立解翁以習吏事傭書稍稍得贏餘然子弟多仰給翁翁又好施予多隨手散去其

磊落抑塞之氣卒無所發舒予嘗勸之歸公不肯翁行市中輒指之曰是風水虞髯耶蓋翁多鬚能治青烏家言故稱號如此翁亦以此自喜今丙戌仲春之二十四日爲翁七十誕辰里中咸思有通朝籍及應試春官者以壽翁翁索予文記其事予以居京師樂聞土音因撮翁素所與予言而予聞之而忘倦者述以爲翁壽翁其爲予進一觴乎

徐績成六十壽序

君子樂道人善必其人實有是善而稱道之者因爲可信之言如未熟悉其人而又不容已於言則取徵於素可信之人之言而賡續以揚其善庶其言亦可信焉陳思王云吾亦不能妄嘆者畏後世之嗤予也三復斯語誠可鑒誠吾友徐子容川生平慎許可一日造予言曰吾叔父績成隱君子也以今年壬午之夏五爲週甲令辰其子弟倣古者乞言於先生長者之義請一言以爲壽予不習虛車之論又重違容川請因還質績成立身行之

研經堂文集

卷二

聖

大者容川之言曰叔父事親孝凡親嗜好無不致也其友愛諸弟得一味之甘必與其食有妹貧而寡撫其遺孤俾之成其從兄弟有不能舉火者計日所需出泉刀贈之務竭其力而止其子若孫雍穆一堂其和可飲如是而已予聞之懼然起曰君言直質真不妄譽人者然如君言績成真隱君子而有合於古敦厚之風者耶今之口詩書被服儒衣冠者所在多有外黃內隕天性則薄矣績成未事咕嗶而至性過人績成之事父母此唐穆贄直饌必探求珍異世所稱酪酥醝乳者也績成之於

兄弟乃交州李祖仁之廉讓時人因號其江爲廉讓江者也績成之於姊妹從兄弟則又魏崔亮之不能獨飽牛敬則之不恤貲產者也備此數善可以爲誦矣詩有之愷悌君子遐不作壽績成豈有慝焉抑予觀績成年六十而狀貌如三十許夫豈藉黃精益老丹砂駐顏者處家何等最樂爲善最樂故心逸日休誠中而形外也如此容川所云詎不信夫予信容川之人之言而予言爲不徒也績成其可以斯言進一觴矣

研經堂文集

卷二

四

張母王太孺人八十壽序

歲庚子秋八月

天子七旬萬壽薄海內外日出入之區歡抃稱慶

湛恩渥澤匝壤浹宙大小臣工

覃錫封典於是益都張母王孺人以子木齋知陽湖縣

事得

勅封太孺人時木齋之僚友以十月十四日爲太孺人

八十設悅之辰徵歌介雅製屏稱壽木齋致書請

序於子木齋爲子己卯分校時所得士其闡卷文

筆雅健對策淹貫水利一篇尤洞悉原委條陳疏

研經堂文集

卷二

巽

瀹予心喜其爲有體有用之學及來謁恂恂謹勅

充然粹然比成進士謁選陽湖距敝居百里而近

側聞治聲爲吳中最今木齋書來述其家世與太

孺人孝敬慈惠義方之教甚備乃知木齋受母教

之深而太孺人康寧壽考獲享其子之報非偶然

也予何得以不文辭木齋之祖玉之先生重氣節

嘗路遇遺金不顧而去夜中見偷兒召之諭以義

子之粟其人卒改行從善父帥父先生讀書通大

義延師教子致敬盡禮與人交誠信直樸鄉里稱

其隱德兩世皆以木齋貴贈文林郎太孺人箴管

槃裘芣羹滌灑於姑舅盡婦道躬操井臼對案相  
莊於夫子盡內職生二子長希聖邑庠生次卽木  
齋篝燈課讀於木齋兄弟所以撫之成人而誨以  
禮法者無不至也及今就養官舍凡木齋之悃悞  
無華而剖斷如流拊循盡心力使部民有召父杜  
母之戴者皆太夫人之教使然也昔雋不疑尹京  
兆每行縣錄囚徒還其母輒向不疑有所平反活  
幾何人卽不疑多有所平反母喜笑爲飲食言語  
異於他時或無所出母怒爲之不食崔寔爲五原  
太守母博覽書傳常訓寔以臨民之政寔之善績

研經堂文集

卷二

吳

母有其助焉兩漢循吏最盛觀雋不疑崔寔之事  
蓋又有得於母教之益者太孺人之於木齋方之  
古人豈多讓哉抑予聞益都多宿學名德近時如  
任文永作十三經註疏序孫文定著泚亭集張德  
生在官解有舉案黃齏飯投牀白褐衣之句爲世  
所傳此尤其卓然彰著者木齋生於名鄉官於望  
邑受

天子壽考作人之化奉太孺人色笑板輿竹杖步履康  
強一堂之上垂魚繡鴻子婦拜於前諸孫拜於後  
太孺人顧而樂之由此享期頤未艾也木齋益淬

厲長以治行稱最明

天子寵渥膺不次之擢所以榮其親者更有加無已也

研經堂文集

卷二

七



天子寵渥膺不次之擢所以榮其親者更有加無已也

厲長以治行稱最明

呂太孺人七十壽序

邑侯俞鑑母

新昌俞侯以選拔貢生

廷試高等授崑山丞大吏器其能檄攝無錫尹用薦得

奉

天子命來尹丹陽水陸之衝非素幹練者不辦侯至之

日捐煩滌苛明允寬恕邑以大治甫五月復奉檄

攝南滙篆侯以治丹陽者治南滙滙民頌侯者亦

如陽民踰半載癸卯夏五侯仍莅丹陽陽民則大

喜是年冬十月二十一日

旌表節母

研經堂文集

卷二

四

勅封呂太孺人七十壽辰於是官斯土者自學博丞簿

至於尉弁合文武之吏暨邑之大夫士庶耆老思

所以祝太孺人者而屬余爲之序余得侯所書太

孺人事蹟心致敬焉其敢以不文辭按易家人之

卦曰利女貞朱子釋之曰欲先正乎內也內正則

外無不正矣彖傳曰家人有嚴君焉父母之謂也

正義謂家人尊事同於嚴君朱子但釋之曰指二

五而於嚴君未詒其義世莫不稱父曰嚴稱母曰

慈而孔子合父母而概謂之嚴其義何居竊意卦

之初曰閑有家悔亡上曰有孚威如終吉統初終

而一於嚴夫而後悔可亡而吉有終由是知母之  
用嚴以成其慈所以得處家之道也余於太孺人  
之事有感焉太孺人爲太學生呂堪女及笄之歲  
歸於眉瞻先生呂與俞皆新昌望族俞氏系出青  
社始祖諱綱爲唐睦州刺史子諱珣爲剡邑令遭  
黃巢亂隱居剡東之五峯子姓蕃衍今居新昌者  
約五千戶分派浙東西皆號五峯世家自宋迄明  
擢巍科登臚仕者接踵相繼先生自少失怙以醇  
謹負族望族人重先生因之望太孺人者甚備太  
孺人事姑盡孝每旦櫛縱笄拜堦下凡盤匱裙踰

之屬無不盡其誠也相夫子以敬同心黽勉自中  
饋灑掃以至於祀先燕賓無不盡其禮也族人羣  
謂先生曰得賢內助矣未幾先生病且革太孺人  
與先生年皆二十九歲上奉垂白之姑下撫遺孤  
四人長者年九歲次七歲侯及弱弟纔五歲耳太  
孺人茹荼集蓼自厲冰霜以義方教子次第令就  
塾嘗向諸子曰吾隕所天惟冀汝曹苦讀能入泮  
宮充博士弟子員吾乃可以見先人於地下矣以  
故出則寄夏楚於名師入則操紡績以佐讀閤今  
四十餘年於老姑生養卒葬曲盡劬瘁下逮諸婦

臧獲遇之以恩必範之以禮閨門肅然而長君潤  
楷食餼於庠次君鑽四君大鑰俱爲學官弟子侯  
行且受

璽書叨榮擢諸生亦多有聲譽序矣茲介壽之期一門  
之內垂魚繡鴻子婦拜於前孫曾拜於後此豈非  
嚴以成其慈而協利女貞之占得閑家威如之吉  
者哉乾隆四十五年新昌之搢紳文學以太孺人  
守節逾三十年臚其事於大吏大吏上其事於  
朝得

旨旌表烏頭綽楔之烜赫族人誇之里人榮之而不知

研經堂文集

卷二

五

太孺人之以茹苦勗諸子者嚴明有法固宜荷

天恩以彰積慶之報也太孺人方從子於官舍側聞疏  
裳布被事無大小猶躬自檢督然則其始也如李  
景讓之母孀居東雒酌酒掩錢願諸孤學問成立  
其繼也如鄭善果之母遇子出聽事施胡牀於障  
後聞其剖斷合理則大悅者皆於太孺人一身兼  
之由此而耄耄而期頤天之所以錫純嘏於太孺  
人者未有艾也侯以斯言聞於太孺人可以侑一

觴矣

顏母馬孺人六十壽序

歲在著雍涒灘七月二十四日爲丹徒顏母馬孺人六十設悅之辰其婿庶子茅君耕亭手疏孺人之節行率其舅甥某詣予言曰吾不遠千里走京師爲其母乞言以祝純嘏私心竊數里中之官於朝者惟子之言爲不妄敢以爲請夫子言何足爲重顧覽庶子之所以述孺人者喟然興歎以爲合於古之垂爲女誠者有數端焉是當表而出之不可以不文辭庶子之言曰吾外姑爲某之女自幼端重善事父母爲女孝年十六歸於顏氏爲外舅

太學生某之配相敬如賓事尊嫜先意承志極爲婦順生四子一女纔弱齡而所天頓失時外姑年甫三十歲耳值家業中落舅姑相繼卽世獨能含酸茹苦拮据搢拄垂二十年撫諸孤成立今長子于鉞有聲庠序餘多治生植品鄉黨稱善人其母入吾家執婦道維謹是其爲母有節操而能賢嗟乎爲女孝則女誠所謂齊告以明當主繼祭祀者也爲婦順則女誠所謂敬順之道婦之大禮者也爲母有節操而能賢則又女誠所謂婦無二適之文守節整齊動靜有法者也豈不難哉子嘗聞寡

婦之子長多克家于鉉輩讀書砥行方興未艾則  
由孺人義方之教也記曰啜菽飲水盡其歡斯之  
謂孝是又在諸子潔白之養也庶子以子言昇歸  
以奉於孺人當介壽之日而朗誦焉則三十年艱  
苦備嘗之未亡人得賢子孫蔚起以彰貞節之報  
又有賢女相庶子以著采蘋之聲兒女拜於前諸  
孫拜於後孺人當快然而晉一觴矣

研經堂文集

卷二

五

庶民外發歸入膏壤然而晉一觴矣

又香贊文謝惠子曰善采蘋之聲兒女拜於前

苦備嘗之未亡人得賢子孫蔚起以彰貞節之報

以奉於孺人當介壽之日而朗誦焉則三十年艱

苦備嘗之未亡人得賢子孫蔚起以彰貞節之報

以奉於孺人當介壽之日而朗誦焉則三十年艱

苦備嘗之未亡人得賢子孫蔚起以彰貞節之報

何士豫簡菴暨配荆孺人六十雙壽序

歲庚辰之春與簡菴會於京邸距今九載矣中間  
癸未子再入都至甲申始得簡菴書道其株守一  
官勤勤自課職業猶懼不給子服其欲然不足之  
意與年俱進無世俗之見存於中也簡菴以監州  
借補鄭州尉其職易稱而勤懼如是豈不加入一  
等乎方子之初識簡菴也在己巳庚午之間時簡  
菴判東潞以桑梓世姻折簡招子至其署舍流連  
竟日通州爲南漕總滙之區帆檣鱗次有土石二  
壩例應同知通判分任其事在石壩者管白糧在

研經堂文集

卷二

五

土壩者管雜糧而白糧之視雜糧纔百分之一簡  
菴攝土壩篆事尤叢集子見其理煩治劇應手而  
辦胥役日以事呈請者百輩隨口應答無不悚息  
承命而漕運弁丁亦皆得意以去子以此心識其  
能簡菴又自言其任永清簿掾時北河水道留心  
稽考桑乾自太原天池伏流至朔州馬邑雷山有  
金池者渾泉溢出東下大同宣府迤邐入宛平界  
至都城西石徑山瀝爲巨川沖激震蕩元史所謂  
小黃河也順治年間河徙固安迤西數十里與白  
溝合流衝決靡常迨

聖祖仁皇帝相度經理自宛平之蘆溝橋至永清之朱家  
庄疏濬兼施河得注西沽以達於海此萬世之功  
也故永清爲治河重地主簿雖卑官然築堤濬淤  
盡心從事數年保固而後卽安而上官亦以爲可  
任也俾遷秩於此土子又以此心識其能今簡菴  
官鄭州子不知其於通州永清何如然就已往以  
證今茲其爲能吏斷乎其可信也已丑中春爲簡  
菴與其配荆孺人週甲生辰以書乞言於予子因  
舉徃日之見聞於簡菴者爲簡菴壽在昔南山有  
臺之詩之三章曰樂只君子民之父母其四章曰  
樂只君子遐不作眉壽有理民之責者盡其保障之  
功亦斯民父母也而眉壽因之可祝焉子願簡菴  
卽其欲然不足之意事事以古循良爲法自是而  
耄耄期頤子將誦歌於無窮也爲書此以復簡菴  
並寫一通以告簡菴之子秦州別駕汝南俾之守  
家法以盡心服官焉是爲序

何簡菴荆孺人七十雙壽序

唐澗州刺史韋損拓練湖四十里廣爲八十里李華頌所謂像月之規儔金之固者是也自上湖耕民占奪上腴僅存下湖四十里藉黃金壩以瀦泄或決爲漏澤或障爲水區盈涸無常近二十年來湖水渺瀰以濟漕舟以溉農畝菰蒲菱荷之鄉蟹舍漁莊之藪西接京口諸山迤邐而南東以達於漕河邦人耆孺以時游覽其地中有土一區竦然而起名道人墩山峙於中三面濱湖風氣完固邑中何氏丙舍之田在焉其子孫多賢如刑曹敦三

候補州同敦常兄弟皆耆願老壽有聲閭黨刑曹第四子曰士豫字簡菴初以永清主簿遷判通州既又作尉鄭州所至有吏績今賦遂初優游林下年七十矣憶十年前簡菴並其配荆孺人壽六十年曾請序於子今簡菴之子平番明府汝南字薰吾郵函子所作前序並致詞曰汝南以材質粗踈謬膺繁劇二親年高不敢戀職茲請急得侍養膝下獻歲發春值二親覽揆之辰敢仍乞言以當介雅子不能辭當前十年薰吾方判秦州子前序述簡菴善能之實且請以古循良爲法俾書一通以寄

薰吾守家法服官政蓋君子之交友也以規不以  
頌子循古義爲薰吾告薰吾之由秦州而宰平番  
也理繁治劇蔚起聲譽丁酉冬仲舟過武林遇薰  
吾舊僚言上官將以州牧列薦牘而薰吾力辭親  
老不能服官恐公私兩負無以稱塞上官意時上  
官援之切薰吾益辭之堅終得遂其請焉予聞此  
言而知薰吾之賢又以知簡菴庭訓之有素不獨  
居官而家有治譜抑且能致其子之孝養如斯也  
薰吾在平番遇

覃恩受

研經堂文集

卷二

五

封典當介壽之日率其子東來垂魚繡鸕從容拜跪於  
前此其天倫之樂所謂不以三公換者也豈不懿  
哉簡菴方嬰鑠狀貌類四五十者此非有丹竈之  
術能紺顏綠髮如此也抑生湖山明秀之區尋仁  
智之樂得樂壽之應故身其康彊子孫其逢吉不  
知其然而然與由此而八九十暨百壽予又將操  
筆序之

研經堂文集卷二終

研經堂文集卷三

丹陽吉夢熊渭厓著

孫鍾穎刊

賜重刻淳化閣法帖恭記

乾隆壬辰仲冬月

欽定重刻淳化閣法帖成宣賜王大臣及內庭供直諸

臣畢復奉

旨頒給翰林院詹事府教習庶吉士館國子監及順天

府金臺書院各一部時兼管府尹事工部尚書

臣

裘日修奉使盛京

臣

吉夢熊偕府丞

臣

卜寧一祗

研經堂文集

卷三

一

領訖隨大學士

臣

劉統勳等具摺謝

恩爰展紙拜觀而記之以言曰美哉懿乎

皇帝之釐正斯帖也昔宋太宗出御府所藏歷代真蹟

命侍書王著摸刻禁中分爲十卷法帖之佳無逾

淳化者前此爲昇元帖世所罕見後此爲大觀諸

帖摹刻寢失其真故惟閣帖超前軼後第侍書精

於摹古而踈於考古甲乙位置多有乖違又如張

華稱丞相王珉稱司徒謝莊宋人而題曰晉陳遼

晉人而題曰陳薄紹之宋世爲丹陽尹書與羊欣

齊名時號羊薄而目爲唐叙王坦之書於逸少諸

子之列不知太原王非琅琊族錄宋僭書與斯邈  
並列不知其爲唐明皇時人諸如此例舛誤甚多  
黃長睿王世貞輩俱詆其謬非刻論也太宗當時  
有大臣登進二府者則賜以一本其後不賜自歐  
陽修已歎人間以官法帖爲難得况今更歷七百  
餘年乎

內府儲藏閣帖甚多以丹陽蘇頌所藏畢士安本爲第  
一所謂淳化祖石者也

皇帝聖學淵深文思天縱

御製詩文邁古範今書特游藝之一端

研經堂文集

卷三

二

天章爛然與雲漢爲昭茲於萬幾之暇取士安本重加  
定正冠禹書於簡端列諸帝王之首退司馬懿改

就臣列大義炳如自餘按序訂訛補遺刪複又

命文學侍從之臣參校鈎稽採宋陳與義以下迄我

朝王澍諸人釋文各本分注行間義例悉稟

睿裁鈎摹逼真原本然後鐫之貞石塌四百本

寵錫下方而以帖石砌之

含經堂後之淳化軒於是千百年翰墨精神煥然一  
新而往日之承訛襲謬經

聖作而毫髮無憾此非獨王著之幸蓋實夏后氏以下

暨晉唐以上諸書家之幸抑亦天下後世臨池學書者之幸也美哉懿乎

皇帝之釐正斯帖也臣夢熊職領郊圻歲時以經義詩

古文課試書院諸生冀竭其區區之誠以襄作人雅化今蒙

恩賜書院法帖臣謹裝背十冊盛以二函尊藏府署今

諸生以時祇領正冠肅容再拜而仰視焉諸生生長畿輔親炙

光華沐浴

教澤爲天下郡縣先展卷之際取程子作字須用敬之

研經堂文集

卷三

三

指而切磋研究則他年染翰以侍此固爲之嚆矢矣乾隆三十有七年歲次壬辰冬至日順天府府

尹臣吉夢熊恭記

釋奠記

臣惟孔子集羣聖之成與天地合德在昔帝王咸所尊禮不與他享祀同然至心源同揆道法一貫萃典文之淵懋剏規制之崇閱自載籍以來未有如今日之盛者也

皇上建中立極統備君師所以敬禮先聖者至詳且悉歲在丁亥頒帑金數十萬飭將作重新廟宇閱己丑訖工仲春丁酉

皇上親詣釋奠以落成之臣目覩盛典伏自循省繹儒

先之緒言稽

研經堂文集

卷三

四

累朝之故實而知

聖天子崇儒重道殊禮異數立隆於萬世也臣謹按釋

奠有六始立學釋奠一也四時釋奠通前五也出

征師還釋奠六也釋菜有三大胥春入學舍菜合

舞一也文王世子興器釋菜二也學記皮弁祭菜

三也鄭康成訓春官釋奠之先師以爲樂祖之類

又云若漢禮有高堂生樂有制氏詩有毛公書有

伏生億可以爲之也其訓國故則云若唐虞有夔

伯夷周有周公魯有孔子其訓立學釋奠之先聖

則云周公孔子孔穎達祖其說謂教書之官春時

於虞庠釋奠先代詔書之師教禮之官秋時於瞽  
宗釋奠明禮之師又謂魯有孔子顏回餘國祭之  
若已國有先聖先師不必與隣國合當各自祭此  
可知先世學官之祀聖師無定名矣宋儒劉夔云  
周立四代之學虞庠祀舜夏學祀禹殷學祀湯東  
膠祀文王爲先聖各取當時左右四聖成其德業  
者爲先師以配饗焉明宋濂作太學廟議取其說  
此無他書可證意補鄭孔之未備耳臣竊按漢高  
帝過魯以太牢祀孔子明章之際秩祀彌昭據陳  
氏禮書載魏齊王釋奠於辟雍以太牢祠孔子以

顏淵配此則爲唐武德立廟國子監之權輿矣宋  
齊陳隋軒懸六佾拜揖有儀唐旣用房喬等廷議  
停周公而專建孔子廟於學開元以來郡邑通有  
孔子廟而禮文之重者莫如太學臣聞建首善自  
京師始惟皇極有會歸則聖道爲標準其能親炙  
私淑羽翼經傳嚮慕聖人與夫由聖人而溯之前  
推之後皆得邀其澤於無窮也自貞觀以左氏等  
二十有一人配享其後堂序之位先賢先儒之臚  
於祀事者代有差次自元始間以孔均爲褒成侯  
其後顯榮之禮追封錫爵之厚其祭秩者代有增

加然而議謚尊王近於誣聖冕服像設究亦非經  
其於旌崇聖蹟若猶有待焉者我

朝

列聖相承

世祖章皇帝膺圖受籙敬學爲先元年諭禮臣先師爲萬

世道統之宗尊崇宜至八年行釋奠禮九年

勅勒臥碑十年發內府金鳩工庀材鼎新楹栊十七

年

親往展祀以觀厥成隆儀偉制爲億萬年肇之基

聖祖仁皇帝深仁厚澤淪浹胄學先後繕完修葺美不勝

研經堂文集

卷三

六

書定三跪九拜禮

御書萬世師表額

御製至聖先師贊雲漢之章炳於中天

世宗憲皇帝整綱飭紀欽明文思初踐

寶阼式煥宮牆定文廟配享從祀案制改幸學日詣學

晉封五代增置博士慶雲見於曲阜

御書生民未有額

御製仲春丁祭詩龍文鳳藻昭如日星

皇上寅紹先緒丕振儒風天亶聖智與尼山神契

御極之初躬親視學飭所司於大成殿易黃瓦崇聖祠

易綠瓦改太常舊儀備三獻之禮

御書與天地參額

詔升附有子定爲十二哲位次數詣闕里虔謁平定  
金川準噶爾回部勒銘伊犁碑大書深刻屹峙殿  
庭震耀寰宇昔夫子刪詩存虎臣獻馘飛鴉懷音  
之章豈徒告成武功亦以崇文德備諸生講解切  
磋之義也今大工告藏輪奐巍峩神靈安侑臨上  
質旁聖歆如芬葢典禮之精由此而備尊崇之軌  
由此而隆臣故曰自載籍以來未有如今日之盛  
者也且夫導揚化理至治也釐正名義盛心也美

研經堂文集

卷三

七

牆至道峻德也規矩先型上儀也我

皇上聲律身度師儒之官絃誦之士登聖人之門敬瞻

宸翰曰先師廟此

皇上褒揚聖號以告萬世也曰大成門此

皇上標舉尊稱以訂昔舛也門之外繚以周垣庖滷亭  
庫以次而列外墀有進士題名碑門內列戟二十  
有四石鼓十中爲大成殿旁爲東西廡後爲崇聖  
祠其楣椳楔枳栝楹礎之屬陶旌段冶丹雘髹  
漆之用堅緻燾煌聳然爲天下之極特頒周範  
鼎彝尊卣鬯簠簋壺觚爵洗各一陳設几筵倚歛

燁歟以姬朝法物慰聖人從周之志於樽俎之間  
彼漢章之議設犧象宋代之僅增礪鼎又烏足以  
云哉臣故曰自載籍以來未有如今日之盛者也  
抑臣觀禮成之日

皇上親御丹毫撰重修太學碑文接洙泗之微言宣聖  
神之至教精深博大儷於圖書

御製釋奠詩有云心法由來治法并此直以金聲玉  
振之音包二帝三王之蘊篋乎至哉祖述憲章上  
律下襲萬古同符已臣以謏劣趨直

禁廷思竭管蠡之見鋪揚萬一謹就所覩聞者恭爲

研經堂文集

卷三

八

之記

皇土賦讀世宗皇帝對太學碑文對卷之三  
研經堂文集卷三

云賦曰

自漢魏以來未嘗暇今日之盛

以

護聖菴湯氏墓田記

護聖菴湯氏墓係中丞湯公參子道衡葬其祖肖  
雲贈通議大夫諱日昇暨祖妣丁太淑人考心古  
贈中憲大夫諱三才暨妣潘太恭人之處也後公  
與其配 夫人繼配朱恭人沈孺人俱附葬焉公  
爲先世延師擇地買田建菴備費經營舊有墓圖  
刻於四修譜中公以萬歷壬子舉於鄉丙辰成進  
士授戶部主事兼督大通橋擢員外郎管太倉庫  
兼理錢法出知南昌府調守歸德再調守東昌擢  
山東武德道兵備副使尋督本省學政復遷東充  
道兵備參政拜都察院右僉都御史巡撫甘肅康  
纏溝之捷具疏乞終養母夫人旋里卒於家贈兵  
部右侍郎子孫世襲錦衣衛僉事公樹立宏偉事  
蹟詳葛筠所撰誌銘中今紀護聖菴湯氏墓緣起  
並誌公宦跡於碑俾其子孫有所考焉

梁陵反正書跋

按梁代陵華表刻文皇帝神道字畫大於瘞鶴銘  
余於壬寅冬出北郭攜墨工搨之一係正書在左  
石上一係反書在右石上此古人所少歐陽公誤  
以梁爲宋前人已駁正之集古錄所載止有正書  
而無反書歐陽未見其全故無所論著余考梁庾  
元威一百二十體書載反正書者大同中東宮學  
士孔敬通所創予見而達之於是座上酬荅諸君  
無有識者遂呼爲衆中清閑法云云乃知反書爲  
百二十體之一係當時所製方造書之時已無有  
識者千百年後孰從而究論之吾鄉金石文以此  
爲最古又延陵孔碑張從申記大寺鐘唐隸與此  
而四後之君子所當見而寶之也

而燕只書總未見其全姑無煩編著  
以梁爲宋前人已駁正之集古錄所載止有正書  
而無反書歐陽未見其全故無所論著余考梁庾  
元威一百二十體書載反正書者大同中東宮學  
士孔敬通所創予見而達之於是座上酬荅諸君  
無有識者遂呼爲衆中清閑法云云乃知反書爲  
百二十體之一係當時所製方造書之時已無有  
識者千百年後孰從而究論之吾鄉金石文以此  
爲最古又延陵孔碑張從申記大寺鐘唐隸與此  
而四後之君子所當見而寶之也

唐六典跋

唐六典三十卷張九齡等撰李林甫等奉勅注按書中所引漢舊儀漢班儀漢朝雜事魏氏春秋魏甲辰儀後魏職品令晉官品令晉中興書北齊鄴都故事宋百官階次齊職儀梁官品令隋官品令袁子正書環濟要畧關東風俗傳等書皆不可見畢薈萃於此書此周官禮後必不可少之書也明王守溪從中私本錄出付之剞劂世傳其書守溪序云開元中張九齡輩爲之此本唐會要開元二十七年中書令張九齡等撰六典三十卷成上之百官稱賀故云九齡輩爲之也朱竹垞以卷首冠林甫之名若與九齡無預後學所當考正去小人之銜名而特書文獻所上可也此因林甫奸邪無學不得以制作之事歸之弄麈杖杜之人耳考唐書宰相表九齡以開元二十四年黜中書令罷爲右丞相尋謫荊州則會要於二十七年以中書令冠九齡之上語固未覈又此書引開元二十五年

事共十條

卷二流外職一條舊齋郎一條卷三厥

賦絹綿布麻一條卷四博綜兼學一條

卷五職方郎中一條比諸衛承直之馬一條卷六

決死刑一條卷十四獻陵昭陵一條卷十六宗正寺主簿一條崇

元署令一條崇引開元二十六年事共二條卷十著作

佐郎一條校 此係九齡罷相之時又卷二凡授左  
書郎一條

右丞相注四品已上一條卷四凡元日大陳設於  
太極殿注缺供奉官獻壽禮一條均有臣林甫按  
云云則此書非盡與林甫無關者累朝官書成推  
官尊者一人爲監修此係通例程泰之撰雍錄謂  
書成於九齡爲相之日進御當在二十四年林甫  
注成或在二十七年此說甚允往子甲子年在紫  
陽書院見王次山先生藏本完善擬從借鈔其時  
方借臨何義門前後漢書三國志評本未幾而先  
生丁外艱以歸距今四十餘年耿耿於心今年春  
從坊間購得此本闕第二十一至第三十共十卷  
從同年翁潭溪子樹培庶常處借鈔成完書兩本  
繕寫脫誤較此本更甚此本脫字殆守溪原錄本  
屬殘缺而刷印模糊難於識別子從新舊唐書唐  
會要校閱一過可讀者殆將十之八九安得收藏  
家有善本更爲審定之

南華真經新傳跋

右南華真經新傳二十卷宋王雱撰雱爲安石子嘗欲臯韓富之首以行新法者使其柄用則罪浮於安石無疑也蔡條鐵圍山叢談言王氏新經義惟周禮爲安石手稿餘皆雱助成之其才可知矣雱意以莊子論著之綸貫皆括於內篇七篇其十五外篇十七雜篇不過蔽內篇之宏綽幽廣云爾今駢拇馬蹄在宥胠篋簡帙亡失而他註多互相發明獨怪其參用佛經如乘天地之正御六氣之辯引佛氏之身徧法界注焉不滿酌焉不竭引佛

氏之不增不減夫梵寺琳宮之作毋庸闢入儒書漆園柱下之詮不必旁參釋典雱尙未識立言之體也乃其語簡而意明如言乘雲氣取其虛御飛龍取其變遊四海之外取不入於形器時女取應而不倡又言天地喻一指萬物喻一馬以天地靜而得道之體萬物動而得道之用又言有是非則道所以虧無是非則道所以全又言衆人有我物於物而爲物所役故曰役役聖人無我不物物而與物爲一故曰愚菴諸如此例凡郭象所連篇累牘詞繁而不殺者此直以單詞片語解之視郭書

疑於度越其他成元英以下不足言矣語曰孔雀  
雖有毒不能掩文章諒哉

研經堂文集

卷三

四



雖有毒不能掩文章諒哉

疑於度越其他成元英以下不足言矣語曰孔雀

書穆伯長集後

穆參軍集三卷宋穆修撰修大中祥符中進士第  
授泰州司理參軍蘇舜欽哀詞稱貳郡者使吏誣  
告先生遭貶謫詣闕下叩登聞鼓稱寃復受譴後  
累恩得蔡州軍官今觀其上潁州劉侍郎書乞告  
歸養上監判郎中書哀以故人之子而命見情詞  
悱惻過於昌黎上宰相書而其他文筆力亦欲與  
之頡頏宜其爲有宋古文之開先者也其第三卷  
載亳州魏武帝帳廟記尊曹而抑吳蜀蓋猶沿陳  
志之見邵伯溫辨惑稱陳搏以數學授穆修修授

研經堂文集

卷三

十五

李之才之才授邵雍此先天圖傳授之序范文正  
撰尹師魯墓志稱師魯少有高識不隨時輩與穆  
伯長遊力爲古文士林始聳慕焉此師魯從遊於  
伯長之證也歐陽文忠論師魯墓誌云若作古文  
自師魯始則前有穆修鄭絛輩有宋先達甚多不  
敢斷自師魯始也予讀伯長集知歐陽文忠詩文  
淵源所自矣

星命總括集跋

星命總括集三卷遼翰林學士耶律純撰原序稱  
統和二年純以議地界事奉國書出使高麗聞其  
國師精於星躔之學請於國王以叩所學純故留  
心星學因以素所得十條詢之國師謂十條之說  
抑末矣本之則無乃以偏正垣七政論并日月并  
明說二百字真經二十五題授之純純類次爲上  
中下三卷題曰星命總括集永樂大典著於錄按  
星家言星垣尤重化氣七政四餘惟太陽不化餘  
十者皆化此書言星垣不言化氣又談星者以經

絡貫串填冲鈞守爲法此書言經不甚言絡亦不  
言貫串言冲鈞不甚言填守尙非該洽之書然體  
例名目多有他書所未載者且重其爲宋初之書  
故從宮允陳崇本所借鈔存之十條者一曰太歲  
尊神加臨管攝二曰無中有曜弱處高強三曰得  
經失次細辨盈虛四曰身傍母吉傍鬼者凶五曰  
同宮千里異宮尺寸六曰黨母福多藏鬼禍六七  
曰元守雖祥流年尤急八曰當生變曜流年變星  
九曰限併諸煞貴祿不臨十曰流年諸星無忽柔  
曜此十條補國師漏義不少不可廢也又按遼史

聖宗紀統和元年上將征高麗親閱東京留守耶律末只所總兵馬三年詔諸道繕甲兵以備東征高麗無二年遣使高麗議地界之文又耶律純史未有傳存此亦可補遼史之缺云

研經堂文集

卷三



書經典稽疑後

經典稽疑二卷明陳耀文撰耀文字晦伯確山人萬歷庚戌進士歷官按察司副使是書採摘漢唐以來說經之互異者特撮舉諸經萬分之一二耳而往往有可取者如小學大學一條引漢書杜鄴傳張竦從杜鄴學尤長小學據師古注小學謂文字之學也又引藝文志古者八歲入小學周官保氏掌養國子教之六書又引尚書大傳王子公卿之太子大夫元士適子年十三始入小學見小節而踐小義年二十入大學見大節而踐大義又引

四民月令命幼童入小學衍篇章又引大戴禮古者年八歲而出就外舍學小藝焉履小節焉束髮而就大學學大義焉履大節焉又引書傳畧記十五入小學十八入大學又引白虎通八歲毀齒始有識知入學學書計七八十五陰陽備故十五成童志明入大學學經術又引內則十年出就外傅學書計十有三年學樂誦詩成童舞象學射御耀文以爲古人所論小學大學者如此章句序乃云人生八歲則自王公以下至於庶人之子弟皆入小學而教之以洒掃應對之節云云今觀文王世

子王制學記等所云不知世子可令之洒掃否耶  
其意以小學重詩書六藝之文而文字之學尤兢  
兢焉蓋六書之重於古也久矣况列小節小義諸  
說則洒掃應對之節未嘗不該括其中如此著書  
可補儒先之所未備云

研經堂文集

卷三

一九

可解論次之韻未詳云

猶謂西漢禮性之前未嘗不精其中心較也詩書

鼓誦蓋六書之重於古也久矣况列小節小義諸

其意以小學重詩書六藝之文而文字之學尤兢

子王制學記等所云不知世子可令之洒掃否耶

明宮史跋

明宮史五卷明呂毖撰第一卷言宮殿規制二卷言內府職掌三卷言內臣服佩四卷言飲食好尚五卷言內板書數其於內府職掌詳載十二監四司八局所謂二十四衙門也又詳載十庫名目於浣衣局注云天啓七年十一月客氏笞死於此於淨樂堂又注云客氏於此焚尸於惜薪司粉裝注云魏忠賢擅政時增而大之百倍於前於銀作局注忠賢之以細絲銀充賞於內府俱用庫注忠賢之廢弛路燈以便冥行蓋目擊客魏之禍而太息

研經堂文集

卷三

三

言之熹宗魁柄下移於女子寺人而宗社爲墟觀此書者當慨然興歎矣

跋

皇十一子臨趙松雪歸去來辭帖

昔人以蘭亭叙歸去來辭爲晉文章之最故列代善書者每樂書之舊得董文敏書歸去來辭真跡筆力瘦硬較平日書高一格今觀

皇十一子臨趙松雪歸去來辭字裏行間得栗里蕭散之趣於原書又復過之青出於藍而青於藍豈虛語哉

研經堂文集

卷三

三

虛語

皇十一子臨趙松雪歸去來辭字裏行間得栗里蕭散之趣於原書又復過之青出於藍而青於藍豈虛語哉

昔人以蘭亭叙歸去來辭爲晉文章之最故列代善書者每樂書之舊得董文敏書歸去來辭真跡筆力瘦硬較平日書高一格今觀

跋

王麓臺侍郎畫冊跋後

甲辰歲 夢熊 養疴在里恭遇

翠華南幸於二月二十日在桃源陳家莊跪迎

聖駕荷蒙

召對畢趨赴

十一阿哥 王鳳 畫董其昌書各一冊並王鳳畫

十七阿哥書房書史筆研紛列几案與在

內廷時無異也

十一阿哥詢及丹陽古蹟 夢熊 為述湖山之概至閏

三月初三日

研經堂文集 卷三

三

回鑾

駐蹕丹陽 夢熊 隨大學士嵇璜 為 跋湖山之概至閏

見

阿哥於舟次出和顏光祿曲阿後湖詩箋見示隨命

中使以王原祁畫董其昌書各一冊並玉烟壺荷

囊

頒到草廬家人驚喜比隣榮羨况 夢熊 身受者耶

本朝麓臺畫最為名蹟具載沈宗伯跋語中阮太史

以王畫並加推重最後得

阿哥跋語字則鸞騫鳳翥語則茹古涵今

聖人庭訓之深

阿哥學業之邃於此畧見一端夢熊以跽伏孤蹤遭

逢盛事爰就此冊錄

阿哥詩於前並書數語於後以貽子孫世守云

研經堂文集

卷三

三



研經堂文集卷三

聖人庭訓之深

阿哥學業之邃於此畧見一端

聖人庭訓之深

跋郭世通書外祖錢御天先生四十初度記  
丙寅秋錢氏修家譜凡其先世人傳誌碑銘勒  
爲一冊而予外祖御天先生獨缺然無傳舅氏受  
祺告子曰先人風概汝兄弟宜素聞之使聽其湮  
沒先人其謂我何余唯唯欲爲一言以系錢氏之  
譜之後爰詳問太夫人以公之行誼太夫人云吾  
父生平事蹟美不勝書唯同里郭世通與吾父交  
最久誼最厚相知最深嘗稱吾父襟期夸曠學識  
深純此二語最得吾父之爲人今載在吾父四十  
初度記跋語中汝兄弟觀此可以知吾父矣因於  
書篋中檢出郭世通書一冊讀之良然郭君之書  
之詩文名重一時觀此篇跋語道逸書法閑雅得  
晉人意度昔人評右軍書樂毅論勁直而收斂顏  
魯公書東方朔贊和易而逍遙二賢之性情宛然  
可見於筆法間然則郭君之書此記也字裏金生  
行間玉潤亦可謂善傳公之性情矣予不必別爲  
誌第使此記鐫之譜牒則高賢有德配並傳之無  
窮而郭君書法亦可因子言而見其不苟也夫丁  
卯上元日吉夢熊書

書毛雲亭六十壽辰示子家言後

生辰爲壽見於朱子與陳同甫往來贈答之書而作爲文章以介壽者自李唐以來名人文集絕少此例近世惟歸震川集有之皆有爲而作其事蹟多本性情傳經義廉頑立懦故能傳世久遠其他連篇累牘不足與目者固不乏人世究莫有傳焉而未有以文自壽者茲觀宣化明府毛君雲亭所作六十生辰示子家言及茹辛圖十六章詩余愛之重之疑若可以感天地泣鬼神令其子孫世世傳之遵爲家訓也自古聖賢豪傑多由患難而成

研經堂文集

卷三

三

讀孟子書所言勞苦饑餓空乏以拂亂其行者皆所以爲動忍增益之具夫如是則生於憂患乃實道其胸懷所蘊境遇所歷非偶然也方明府年十七父母相繼辭世家業蕭然饑驅奔走瀕於危者數矣其親串教以耕田誠以傭作勸以學巫醫技藝者先後雜沓進規而明府岸然不動終年兀守一編遇考場提筆赴試一蹶再三蹶中間轉徙窮餓他人所不能堪者明府處之怡然而卒發名成業登賢書宰劇縣其所設施皆本一生之苦以體百姓之艱嗚呼難矣於其六十生辰按年計月詳

書其生平所歷教子孫敬謹忠信質朴儉勤矢爲  
居心立身持家接物之本題曰示子家言又作詩  
十六章題曰茹辛圖詩郵寄示子屬題其卷後子  
考馬揆教兄子敦厚周慎諸葛武侯教子靜以修  
身儉以養德柳玳戒子自求安逸靡甘淡泊朱子  
皆載之小學以教天下後世今明府所以示子者  
大旨相同而以身示教則又於古人戒子者別出  
一格以此自壽卽以此傳後所以感天地泣鬼神  
而令其子孫遵爲家訓者尤信而有徵此豈徒往  
來贈答之常直與孟子所言憂患者如磁芥之合  
也予故樂爲之書其後

齊經堂文集

卷三

姜

復 十一阿哥書

敬請

阿哥福安捧讀

翰教承

注念殷拳

盛德謙光循誦往復感悚無似前接漁樵

和章二十首脫盡皮陸窠白自標古韻今接制義四

篇所謂醇乎醇者較前所見又進一格奉

誨諄切不敢不盡其愚因以鄙見所及有一兩筆當

近商者輒細為旁註

研經堂文集

卷三

三

高深之量不棄壤流但究愧荒蕪無由效一得耳蒙

垂訓 老母錢氏今歲八十二齡早年課子之餘操

作勤苦至老仍誠子婦親井白之事不自知其衰

頹也 熊述

阿哥垂念之語輒望

北拜謝如得

課程之暇

賜以匾額俾蓬壁增輝則幸甚矣奉到莛瓶拜

德無既

與沈雲飛書 名鵬蜀令

握別多年興居想佳萬里外鱗鴻乏便書問稀踈  
雲樹之思兩地應俱同也庚辰之役僕以足下文  
瑰瑋絕特信爲不凡乃得而復失積憾至今昔文  
中子有言觀其文而士之行可見僕閱邸抄知足  
下循聲籍甚以今日之優於治愈知昔日之工於  
文不虛也所謂有諸內形諸外者耶抑足下所治  
蜀地也漢史以文翁化蜀定爲一代循吏之首考  
其舊蹟則以仁愛好教化起學官于成都市中招  
下縣子弟爲學官弟子及其盛也彬彬比於齊魯

研經堂文集

卷二

七

焉今

聖化覃敷戶禮樂而家詩書蜀中自揚馬以後代有聞  
人以足下文采風流必有異乎俗吏之爲之者得  
益選彼都之明經飭行者導揚至教砥礪淳風豈  
不追古人而從之此足下所優爲而僕之所私望  
也僕終日碌碌惟晚歸必讀古書數十頁他無可  
告足下者道遠思深冀足下之納我言也因友人  
申君之便藉以布之左右惟垂鑒不宣

與香畹書

庚申歲余年二十始學爲詩時居崇古堂東軒自編其集曰東堂吟稿癸亥後讀書蘇州紫陽書院編其集曰金閶遊稿乙丑春館於淮安集曰南紀行編是年秋仍赴書院集曰金閶續遊稿戊辰冬入都集曰遊燕雜詩甲戌養疴歸里集曰南旋吟稿乙亥遊新安集曰新安遊稿是年冬重到都門集曰春明吟集余自立年以前好讀經史專習舉子業詩不多作偶然欲書如前所編諸集率散失爲人取去今篋中所存不過二百餘首耳會世父

研經堂文集

卷三

三

俊揚從兄裕民以書來方劄輯家乘付之剞劂爰取戊辰以後詩摘抄五十餘首大約年來展齒所到及進

御之章或有關

恩遇者亦並存之工拙勿計也香畹弟假旋覲省其持此以寄俊揚伯裕民兄梓於先世藝文之後庶後來者可覽觀焉

與申敬余等二十餘學爲詩和溫崇古堂東軒

與香畹書

湖北歸州知州吳君墓誌銘

乾隆己亥冬十有二月奉直大夫湖北歸州知州  
吳君以疾卒於官庚子秋其孤拱極等奉君之喪  
歸里將與其配李宜人合葬有日矣拱極以狀來  
請銘拱極子丁酉視學時所選拔士也誼不得辭  
按狀君諱濬字姚深別字良亭號虞泉姓吳氏閩  
之龍巖人曾祖曉東弱冠食餼於庠祖履斯歲貢  
生考錦遜篤學早世君生三歲而孤賴母氏林太  
宜人苦節撫教自爲童子時授書過目成誦旣長  
益淬厲文學事大父母母悉心孝養當履斯公棄

研經堂文集

卷三

三

世時君年十七叔父璞山方稚齡君獨持門戶經  
畫區處井井有法暇輒下帷誦講年十九補博士  
弟子員君侷儻自負意科第可操券致乃屢躓場  
屋懼無以博太宜人歡心會開江賑例君得授湖  
南道州牧州民狴雜處故稱難治君冰蘖自矢存  
心愛物尤長於聽訟案牘清釐法度整飭吏胥瑟  
縮奉行文書不敢爲奸州故有周濂溪月巖遺蹟  
君立書院章程以課士士風丕振州人戴君惟恐  
君之去也旋丁內艱歸擗踊毀瘠祭葬中禮有司  
以太宜人節孝請旌奉

覃恩贈大父及考如君官大母母皆宜人君讀禮之時  
閉戶課子服闋後優游林下者十有餘年人乃知  
向者捧檄之喜爲親故也歲丙申地方大吏促君  
行君赴銓湖北歸州牧州治接巴東地衝俗悍君  
下車一以道州之治治之值歲饑力行救荒諸政  
所全活無算州西有吒灘水最險圖經名爲人鮓  
甕黃山谷詩所謂命輕人鮓甕頭船是也君設救  
生船及拯護之法往來之人咸謳思君之德一如  
道州人之思君也上官器其才行將以循卓薦而

君承檄催僨銅運奔走水次不遑告瘁因力疾冒  
風寒遂不起惜哉君爲文根柢經史詩蕭疎俊逸  
有集藏於家性和厚無饒削崖絕之行及莅官當  
職凡事屬名教關地方利病者輒侃侃爭持必得  
當乃已故雖起自諸生而能諳吏治配李宜人年  
十七歸於君勤儉稱賢佐修甘旨潔蘋蘩太宜人  
目之曰孝婦結禱三載生拱極甫免身十日而歿  
拱極旣狀君事行並爲予述宜人淑德嗚咽欷歔  
淚涔涔覆面也君生於雍正乙酉二月初三日卒  
於乾隆己亥十二月十四日官止五品壽止五十

有一文章不顯於世功名未竟厥施嗚呼其可悲  
也已李宜人生於雍正辛亥五月十九日卒於乾  
隆己巳五月二十八日得年十九繼室郭宜人子  
男四人拱極乾隆丁酉拔貢秉樞貢生有楫州增  
廣生有杼女三人孫男十人孫女五人拱極等卜  
於乾隆辛丑十二月十六日奉君柩與李宜人合  
葬於大池勾栗山之原銘曰

處爲諸生出司民牧慈惠之師源於誦讀楚北楚  
南循譽遐覃中道忽蹶諸孤憂悵爰開輿室爰陳  
積帙炳然蔚然作而待述遺澤悠長後嗣用光令

研經堂文集

卷三

三

名不沒視此銘章

南  
大  
廣  
隆  
辛  
丑  
十  
二  
月  
十  
六  
日  
奉  
君  
柩  
與  
李  
宜  
人  
合  
葬  
於  
大  
池  
勾  
栗  
山  
之  
原  
銘  
曰

處爲諸生出司民牧慈惠之師源於誦讀楚北楚

南循譽遐覃中道忽蹶諸孤憂悵爰開輿室爰陳

積帙炳然蔚然作而待述遺澤悠長後嗣用光令

名不沒視此銘章

南  
大  
廣  
隆  
辛  
丑  
十  
二  
月  
十  
六  
日  
奉  
君  
柩  
與  
李  
宜  
人  
合  
葬  
於  
大  
池  
勾  
栗  
山  
之  
原  
銘  
曰

處爲諸生出司民牧慈惠之師源於誦讀楚北楚

文學姜奩妻賀孺人墓誌銘

吾友姜奩邵賓妻賀孺人既卒葬有日矣邵賓以  
事狀來乞銘按狀孺人姓賀氏太學生我勅之女  
文學古愚之子婦舉人充三禮館纂修姜兆錫夾  
齋之家孫婦也幼嫻女誡遭父母喪泣血盡禮既  
歸邵賓夾齋先生見其舉止端莊謂家人曰吾家  
得賢婦吾孫內助有人矣邵賓素有咳疾孺人調  
護維謹事王舅姑盡得其歡心歲丁丑

皇帝南巡所至採訪遺書江南北人士多經進之書仰  
副右文之治時夾齋先生歿已十二年古愚念先

研經堂文集

卷三

三

生著書等身冀呈

乙覽爰命邵賓賫書達

行在所需資斧孺人典釵珥助其行後先生從祀鄉賢  
邵賓走京口達姑蘇文移往返數四艱難徒步迄  
底於成孺人憇患之力居多孺人體素羸無子其  
生也以某月日其死也以某日月其葬也以某日  
月憶子自癸亥年識夾齋先生於宛委山堂談經  
終日繼交古愚繼又交邵賓二十年來悉姜氏祖  
孫父子久矣今於孺人之卒思塞邵賓之請是不  
可以無銘銘曰爲儒家婦相夫子以顯揚食貧茹

苦賣志含光書此銘詞勒之幽堂

研經堂文集

卷三

音



華陽龍雪崑行狀

華陽孝廉龍雪崑先生既卒其子煜岷燦岷衰經稽顙屬其友吉夢熊爲行狀夢熊與煜岷同舉進士又同官翰林燦岷知丹陽縣事夢熊又其部民具聞先生族世及行已本末諳不忍辭狀曰先生諱翼字翀如別字雪崑姓龍氏遠祖昌期官宋太子洗馬由金陵遷蜀居仁壽之嘉禾鄉是爲龍氏入蜀之始代有聞人祖輔篁明懷宗官松龍鎮總兵移居華陽遂世爲華陽人考禹功以明經官射洪縣訓導生子七人先生其第三子也先生胚胎

研經堂文集

卷二

三

前光年二十補學官弟子讀書著文有師法華陽之言詩古文詞者必推先生性孝友生養死葬祭必盡其禮一門之內怡怡愉愉始終無間言年五十偕季弟奉若登賢書當是時兄弟自相切劘賃驟車北行書聲琅琅徹道路同計偕者咸謂登金門上玉堂有日矣顧先生制舉義不屑屑揣摩聲調以故四與南宮試俱報罷自是絕意仕進素志沖澹愛種菊每歲秋東籬爛熳採摘盈把集子弟拈韻賦詩顏其所居曰愛陶書屋聚書其中以九經三史分課子弟暇又輯二程子遺書朱子全書

摘其粹言著書一通謂其子曰吾儒能探性命之  
理方得立定脚跟學者以爲名言先生耽靜惡囂  
所居石陽村去城市十里而近足跡不輕入郭門  
會親友有慶弔事不得已肩輿一往信宿卽回其  
天性然也方煜岷官翰林燦岷簡發江南先生遺  
書誠以文學政事行己立身之要癸酉歲煜岷居  
庶常館篝燈課誦無異寒門儒素月之朔望館師  
親卽其地夢熊偕同年生操鉛槧來會每權藝畢  
輒後先集煜岷書齋討論文字煜岷娓娓談不倦  
無一語及私者燦岷歷任上海金壇丹陽有能聲

研經堂文集

卷三

三

洗手奉職不名一錢菜羹蔬食厨傳蕭然其去官  
丹陽也自題句云惟將練水鑒民情嗚呼此可知  
先生庭訓有素貽謀者遠矣先生生於康熙十八  
年七月初七日卒於乾隆二十六年三月二十四  
日年八十有三歲配楊氏陝西富平營守備鳳鳴  
女子三人長煜岷乾隆甲子科舉人壬申科進士  
選翰林院庶吉士散館改知縣娶黃氏歲貢生廷  
樞女次燦岷乾隆辛酉科舉人歷任上海金壇丹  
陽等縣事娶冷氏浙江麗水縣知縣模女先先生  
卒次燦岷邑庠生娶戴氏某女女五人一適江蘇

六合縣知縣張文憲子歲貢生候選訓導曾慶一  
適直隸廣昌縣知縣宋子嗣子恩貢生候選教諭  
模一適歲貢生盧天毓子江蘇崑山縣知縣之爰  
一許字江蘇常州府知府徐宗奭子候選縣丞寅  
未適而夭一適浙江道監察御史向日貞子太學  
生天達孫一人基爲燦岷出女孫四人一適廣東  
高州鎮總兵楊永和子某次未字次許字山西絳  
縣典史朱懋烜子某俱煜岷出四未字燦岷出鳴  
呼先生隱德不求人知自以微言大義提要鈞元  
所著雪崑文集若干卷藏於家諸子能紹承續述

研經堂文集

卷三

三

光大前緒夢熊爰著其崖畧俾立言君子有所考  
焉謹狀

大合縣知縣張文憲子歲貢生曾慶一  
適直隸廣昌縣知縣宋子嗣子恩貢生候選教諭  
模一適歲貢生盧天毓子江蘇崑山縣知縣之爰  
一許字江蘇常州府知府徐宗奭子候選縣丞寅  
未適而夭一適浙江道監察御史向日貞子太學  
生天達孫一人基爲燦岷出女孫四人一適廣東  
高州鎮總兵楊永和子某次未字次許字山西絳  
縣典史朱懋烜子某俱煜岷出四未字燦岷出鳴  
呼先生隱德不求人知自以微言大義提要鈞元  
所著雪崑文集若干卷藏於家諸子能紹承續述

弟香畹行狀

乾隆二十五年歲次庚辰三月初四日吾弟以病請告旋里里中人北來者傳言弟舟至德州疾劇時予方奉

命分校禮闈既撤棘聞信惶懼寓中僮僕畧曉事者率隨弟南行無足遣問之人又計其時將抵江境無可奈何至五月初十日得山左友人書吾弟以四月十七日卒於濟寧舟次嗚呼昊天不弔吾弟中道以死氣結填胸不知涕之縱橫也默而念其可傳者當錄以俟史乘之採擇伏枕飲血七日而次

研經堂文集

卷三

三

其行畧弟名夢蘭字會亭號香畹世居丹陽南城之清溪年六歲從塾師丁光遠先生受學聰明讀書五行俱下吾父延師教子庭訓至勤吾母習五經四子書於紡績烹爨之餘督課吾兄弟至夜分不少輟弟年十三五經周官儀禮三傳註疏家言已成誦矣繼從族祖孟宣先生學制舉文字清真密栗宗江右五家後學於傅野兄讀書史日多所詣益粹年十九受知於粵東莊滋園先生補博士弟子每大府觀風學使考課輒高等癸酉年二十五赴省試登賢書主試爲北海夢喜堂先生北平

王介子先生同考官爲楚北萬靜齋先生是年冬  
賃騾車北上與予聚於京邸相依爲命每竹簾土  
銼風聲蕭然圍爐並坐商榷無日夜間常吟風雨  
對牀之句吾家兄弟篤愛自祖父以來其天性也  
甲戌禮闈報罷無絲毫得失介於其意因侍養二  
大人首夏買舟南下予亦以是冬告歸省視旣匝  
月予赴都供職弟以丙子秋來會京邸時傳野兒  
教職任滿循例引

見憶予自戊辰冬貢成均明年兄往黟山視教事弟居

家侍二大人十年之內兄弟三人合併一堂者惟

研經堂文集

卷三

五

此時爲然當是時出則肩隨居則同起臥怡怡唱  
和義均師友視往者執經家塾無異也丁丑春正  
月兄得

旨回原任偕弟送於蘆溝不忍釋手四月弟捷南宮主  
試爲今家宰諸城劉公少宗伯長白介公休寧金  
公同考官爲錢塘梁山舟先生暨嘉定王禮堂先  
生

廷試二甲成進士

朝考高等選翰林院庶吉士弟以文學受知感激圖報  
益盡心經術之書因體素羸恐二大人之念之也

陳乞歸省至則撰杖屨裹糧奉大人詣武林周覽  
西湖便泝桐江取道新安視兄於黟山以歸大人  
教之曰汝歷清華受

恩深重文章報

國是其分也促之行以戊寅冬就職先是弟館選分

派

國書舟車往來未之習也甫到館學之三月輒能剖  
悉音訓洞曉文義館師課居最同輩多以爲難弟  
性不耐暑濕己卯夏秋間得脾泄病冬咯血至今  
春支離床褥間向予曰病不能供職矣請之總憲

研經堂文集

卷三

早

武進劉公少司馬長白觀公移疾告歸時予以其  
泄瀉未止體日羸疾瘳宛轉牽留不敢令之行也  
弟曰我病已以書達之二大人所大人知我病必  
日夜思我我不歸增大人憂毋留我也嗚咽欷噓  
家人悉爲流涕因治裝送之左城十里外嗚呼豈  
意此別爲永訣耶弟稟至性事二大人愉悅承志  
內外嫺黨無間言姿宇高秀風度凝靜所交友必  
竭誠相與非其人或終日無一言治經史實事求  
是研稽宋儒之學以小學近思錄爲之本幼讀昭  
明氏書病六臣註繁文妨要手自剪裁訂爲一書

其學詩汎濫諸家於漢魏樂府古詩蘇李陳思阮  
左陶謝尤所深嗜楷書細字抄錄成帙篝燈諷詠  
故詩有宗法所著有香晚集性又好書初學顏平  
原繼學鍾大理其臨摹趙承旨差能神似嗚呼以  
弟之年與其學雍容揄揚於金門玉堂之間烏能  
量其所至耶而天奪之速未竟於用嗚呼豈非命  
也弟卒之日妻子在側淚涔涔以不見父兄爲恨  
嗚呼死者賫恨於無窮生者之恨更何如也弟生  
於雍正七年己酉七月初二日午時卒於乾隆二  
十五年庚辰四月十七日酉時年三十有二娶林  
氏生二子士瑛士琦女子三人俱幼嗚呼夢熊抱  
如刻之痛望鄉而哭詮次無文冀當世立言君子  
傳之不朽焉

